

Und noch dem als er sich wyter der
welt zū offenbaren begeret/do er das
erst wunderwerck so dan der welt be-
kant ist. dz wasser in wyn zū verwan-
deln. vonn dins müterlichen gebets
wegē uf der hochzit gewürcket het zū
bedeütē dz alle bittere wasser der trü-
bseligkeit vnd angst diser welt. durch
das gebet vnd verdienen diner götli-
keit yn der hochzyt der ewygen ver-
mechlung. so wir getrenck vnd erset-
tiget werdē von der fruchberkeit sins
houß sollen vnd mögen in den wyn
der vber flüssigiste frölicheit verwan-
delt werdenn.